

肥鄉縣志卷二十二

風俗

剛柔燥濕五方之地運不齊正變貞淫列國之民情無定非禮陶而樂淑難道一而風同通變雖取其宜民居德乃可以善俗因陋就簡居鄉者切莫積習之沿革薄從忠長民者宜為先路之導志風俗

土廣俗醇大率精急高氣勢山堂圖考

冀合商羽端駛烈人聲健其泉辛以鹹河圖

土產無珍人性質樸盧毓冀州論

俗尚勤儉士習詩書民務耕桑府舊志

其俗好義其人甚果舊志

賈不遺行粟不久積近漸浮華好巫崇淫祀前志

相見宴會多行跪拜並行並揖尚左

婚禮

肥鄉縣志

卷二十二 風俗

初請媒許親次行定次下財筵會 前朔女家過妝奩 親迎日壻馬前導婦輿後隨大張鼓樂至門拜天地行合巹禮三日謁祠堂具枕頂巾履見舅姑餽親屬壻偕往婦家拜婦之父母謂之謝親肥俗結親男過幼女過長姻不以時此大弊也

喪禮

初喪具含斂立告布於門內大書某人之喪旁列生卒年月紳士家掛魂帛於柩上立錦緞金書銘旌於喪側門外懸紙幡按歲多寡男左女右 行家祭 將出殯先書期門外親有具賻莫銘旌 奠用牲禮賻用金錢 殯出沿街搭祭棚親友送至墳與孝子孝婦收頭 題主 主安靈亭內鼓樂導歸至家行虞祭 肥俗多停喪不葬兵亂時有被火焚者此尤弊之大者也

祭禮

寒食掛紙錢添新土七月十五日薦麻穀十月朔送寒衣誕日祭辰皆祭墓所 士大夫家不盡立祠堂奉神主於寢室民間多畫祖宗昭穆圖供奉

賽神

春祈秋報在所不禁鄉人釀錢穀具牲牢張鼓樂演雜劇則失古人吹豳鼓蜡之風矣

廟會

始於元盛於明其初仿日中爲市之意貿易牲畜貨物而已後乃資緣爲姦諸矣百出矣會之最盛者南有趙王廟北有漳河廟西有西韓之元君廟東有屯莊之元君廟以及蒼堡天齊大寨城隍皆是也餘村尙多其盛衰則與時消息云

### 節序

元旦雞鳴起拜天地奠祖先內外尊卑親友交相賀五日方掃地掬塵送大門外曰送五窮 立春前一日迎春東郊士女傾城往觀有司設宴於公堂呈雜伎取春牛土泥竈糊春餅切蘿蔔曰咬春 元旦女人埋單籬於厠中十六日取出糊紙爲衣着女服卜一年休咎甚驗曰請戚姑娘 上元節以炷香塗門神目張燈放爆竹搭燈山鬧簫鼓男婦出遊曰走百病二月二日以竈灰圍門垣曰禁蝎油煎麵餅相餽遺曰薰油蛭 三月清明上墳插柳枝架鞦韆遊人踏青 四月八日浴佛之辰設水陸醮 五月端午餽角黍白團簪艾葉以五色絲繫小兒女手足飲雄黃菖蒲酒取蝦蟆喻京墨陰乾塗毒瘡 六月六日曝書畫不出蠹 七月七夕女子設瓜果於中庭穿針乞巧十五日掛紙錢於田畔謂之送地頭錢蒸麵羊遺外孫 八月中秋餽瓜餅置酒玩月 九月重陽賞菊送棗糕登高會飲十月一日酒食奠先塋製紙衣燎墓側曰送寒衣 十一月冬至交相拜亦具酒食奠先塋 十二月八日合稻粟棗豆之類爲粥辟瘟曰臘八粥二十四日祭竈除夕換桃符放爆竹驚鬼門糊黃紙錢掛葫蘆葱炭壓打鬼棒於門限燎燧

## 肥鄉縣志

卷二十一 風俗

火圍爐守歲此日俗呼亂歲猶多嫁娶此則肥鄉一歲風俗之大凡也

南皮張縣長甸青勸民遵用陽曆韻言告示并說明

自民國成立以來卽命頒布改用陽曆官廳久經奉行至爲便利無如民間以耕地下種按照舊日節氣因爲農民多不識字且不明陽曆陰曆比照推算似覺有不便之處茲奉中央明令全國一律改用陽曆廢除陰曆如不將二十四節氣按照陽曆月分排定農民仍不能十分了然現將全年二十四節氣編成歌訣每月有兩節氣上半年每月以六日二十一日爲標準偶有前後相差至多不過一兩日下半年每月以八日二十三日爲標準卽偶有前後相差至多亦不過一兩日每年如此永不變更實較陰曆遇有閏之時反較簡便易記不致相差太多卽不識字之人知節氣先後熟記此歌便可明白改用陽曆實與農民只有便利並無勉強不便也陽曆十二個月之大小建係固定的不似陰曆之月建大小不一謹將月分大小平閏列開於左

|      |      |     |     |     |
|------|------|-----|-----|-----|
| 一月大  | 二月平  | 三月大 | 四月小 | 五月大 |
| 六月小  | 七月大  | 八月大 | 九月小 | 十月大 |
| 十一月小 | 十二月大 |     |     |     |

二月係平月計二十八日

全年計共三百六十五日三時零每年餘三個時辰四年合爲一日至四年則二月爲二十九日所  
不同者陰曆遇閏則歲多一個月陽曆遇閏僅二月多一日耳

### 陽曆二十四節氣歌

奉行陽曆極方便 二十四節最好算 每月兩節有定期 日久自然成習慣 若合新曆并舊曆  
相差不過一兩日 舊曆有時須閏月 不如陽曆更劃一 讀者記清這一篇 憲書可以不必翻  
半年六日二十一 半年八日二十三 一月小寒接大寒 冰凍三尺雪綿綿 二月立春和雨水  
運送肥料在地邊 三月驚蟄繼春分 耕犁地土須要勤 四月清明穀雨過 油菜花黃麥苗新  
五月立夏望小滿 菜子登場蠶成繭 六月芒種夏至到 割麥插禾莫偷懶 七月小暑接大暑  
烈日炎炎農人苦 八月立秋初暑來 黍稷紅糧用斗數 九月白霧秋分繼 農事將完修農器  
十月寒露接霜降 只剩薯棉還在地 十一立冬小雪天 拿取米棉去換錢 十二大雪并冬至  
圍爐把酒過新年

## 肥鄉縣志

卷二十二 風俗

三